


ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ
ՆԱԽԱՐԱՐՈՒԹՅԱՆ

«ԿՈՏԱՅՔԻ ՏԱՐԱԾԱՇՐՋԱՆԱՅԻՆ ՊԵՏԱԿԱՆ ՔՈԼԵՋ» ՊՈԱԿ

Հաստատում եմ  Ա. Երեմյան

Կոտայքի տարածաշրջանային պետական

քոլեջի կառավարման խորհրդի նախագահ

 27 օգոստոսի 2021 թվական

ԿԱՆՈՆԱԿԱՐԳ

ԿՈՒՐՍՂԵԿԱԿԱՆ ԽՈՐՀՐԴԻ

ՀՐԱՋԴԱՆ 2021

1. ԸՆԴՀԱՆՈՒՐ ԴՐՈՒՅԹՆԵՐ

1.1. Սույն կանոնակարգը սահմանում է ԿՏՊԲ-ի կուրսղեկական խորհրդի իրավասությունները, ձևավորման և գործունեության կարգը:

1.2. Կուրսղեկական խորհրդի կանոնակարգը քննարկում և հաստատում է քոլեջի կառավարման խորհուրդը:

1.3. Կուրսղեկական խորհրդի կանոնակարգի մեջ փոփոխություններն ու լրացումները կատարվում են նույն կարգով:

2. ԿՈՒՐՍՂԵԿԱԿԱՆ ԽՈՐՀՐԴԻ ԱՇԽԱՏԱՆՔԸ ԵՎ ԿԱԶՄԸ

2.1. Կուրսղեկական խորհրդի աշխատանքը կազմակերպում և ղեկավարում է ԿՏՊԲ-ի դաստիարակչական աշխատանքների գծով տնօրենի տեղակալը, ով ի պաշտոնե կուրսղեկական խորհրդի նախագահն է: Կուրսղեկական խորհրդի կազմը ձևավորվում է յուրաքանչյուր ուսումնական տարվա մինչև սեպտեմբերի 1-ը ըստ ձևավորված խմբերի կուրսղեկների քանակի: Կուրսղեկական խորհրդի անդամների անվանական կազմը հաստատում է քոլեջի տնօրենի հրամանով:

2.2. ԿՏՊԲ-ի կուրսղեկական խորհուրդը քոլեջում կոլեկտիվ ղեկավարման մարմին է, որը կազմվում է նպաստելու ԿՏՊԲ-ում տարվող ուսումնական, կազմակերպչական, դաստիարակչական աշխատանքներին և դրանց արդյունավետության բարձրացմանը:

2.2. Կուրսղեկական խորհրդի կազմում ընդգրկվում են բոլոր կուրսղեկները և արտադրական ուսուցման վարպետները: Կուրսղեկական խորհրդի իրավասությունները դադարում են ուսումնական տարվա ավարտից հետո: Խորհուրդը իր գործունեությունը իրականացնում է նիստերի միջոցով, որոնք պետք է լինեն կիսամյակի ընթացքում առնվազն 3 անգամ:

2.3. Կուրսղեկական խորհուրդը իր կազմից բաց քվեարկությամբ ընտրում է խորհրդի քարտուղար, ով պատասխանատու է նիստերի կազմակերպման, նախագահի հետ օրակարգի մշակման և նիստերը արձանագրելու համար:

3. ԿՈՒՐՍՂԵԿԱԿԱՆ ԽՈՐՀՐԴԻ ԳՈՐԾԱՌՈՒՅԹՆԵՐԸ

3.1. Կուրսղեկական խորհուրդը՝

- Քննարկում և հաստատում է կուրսղեկների տարեկան աշխատանքային պլանները՝ կիսամյակների

- Քննարկում, գնահատում և հավանության է արժանացնում կուրսղեկների կիսամյակային հաշվետվությունները
- Ուսումնական տարվա սկզբին իրականացնում է լսարանների բաշխում և սահմանում պատասխանատվության չափը նյութատեխնիկական բազայի պահպանության համար
- Քննարկում է քոլեջի գույքի պահպանման հետ կապված խնդիրները
- Քննարկում է կուրսղեկների կողմից ներկայացված ուսանողների ամսական հաճախումների հաշվետվությունները և ըստ «Ուսանողների կարգապահական կանոններ»-ի դրույթների բացակայությունների թույլատրելի սահմանն անցանկալի ուսանողներին ներկայացնում կարգապահական տույժի ենթարկման
- Հաստատում է կուրսղեկի ժամերի իրականացման պարբերականությունը՝ 2 շաբաթ ամեկ անգամ
- Հաստատում է կուրսղեկի ժամի թեմաները
- Որոշում է կիսամյակի ընթացքում համաքոլեջային միջոցառումների կազմակերպման պատասխանատուներին
- Սահմանում է քոլեջի առանձին խմբերի էքսկուրսիաներ կազմակերպելու կարգը
- Որոշում է համաքոլեջային էքսկուրսիաների կազմակերպման ուղղությունները պատասխանատուներին
- Քայլեր է ձեռնարկում անհարգելի բացակայությունների թիվը կրճատելու ուղղությամբ
- Քայլեր է ձեռնարկում չառաջադիմող ուսանողներին աջակցություն ցուցաբերելու նպատակով
- Սահմանում է բացակայությունները հարգելի համարելու ներքին մոտեցումներ(ուսանողների բացթողման թերթիկ, բուժքրոջ թույլտվություն, բժշկատեղեկանք)
- Բացահայտում է համապատասխան կուրսերում սովորող կրթության առանձնահատուկ պայմանների կարիք ունեցող ուսանողներին և կանոնակարգում է կուրսղեկների կողմից կրթության առանձնահատուկ պայմանների կարիք ունեցող ուսանողների հետ տարվող աշխատանքները
- Բացահայտում է համապատասխան կուրսերում հակաիրավական և կարգազանց վարք դրսևորած ուսանողներին , կանոնակարգում է հակաիրավական և կարգազանց վարք դրսևորած ուսանողների հետ տարվող աշխատանքները

- Քննարկում և որոշում է կայացնում կուրսղեկական և քոլեջում իրականացրած դաստիարակչական աշխատանքների մասով՝ որակի ապահովման կենտրոնի կողմից իրականացրած սոցիալական հարցումների հետ կապված
- Քննարկում և որոշում է կայացնում քոլեջի «Առաջարկությունների և բողոքների կուրսղեկների աշխատանքին վերաբերվող առաջարկների ու բողոքների վերաբերյալ
- Համագործակցում է քոլեջի ստորաբաժանումների և այլ ուսումնասօժանող աշխատակիցների հետ(կարիերայի կենտրոն, ուսումնական մաս, բուժքուրման կազմակերպություն, հասարակայնության հետ կապերի պատասխանատու հաշվապահություն, կադրերի բաժին և այլն)
- Համագործակցում է պետական, միջազգային և հասարակական կառույցների հետ համատեղ ծրագրեր իրականացնելու նպատակով
- Աջակցում է հանրապետական , մարզային, համաքաղաքային, սպորտային մշակութային միջոցառումների կազմակերպմանը
- Մշակում և իրականացնում է կուրսղեկների պարգևատրման գործընթացը
- Սահմանում է «Լավագույն կուրս» և «Լավագույն կուրսղեկ» մրցանակաբաշխության կանոնները
- Որոշում է «Լավագույն կուրս» և «Լավագույն կուրսղեկ» մրցանակաբաշխության հաղթողին
- Քննարկում է քոլեջում կարգապահական և վարքի կանոնները խախտելու համար կարգապահական տույժի ենթարկված ուսանողների հետ տարվող աշխատանքները
- Քննարկում է կուրսղեկների կողմից իրենց խմբերում իրականացրած դասախոսումները
- Հետևում է ուսման վճարների հավաքագրման աշխատանքներին
- Քննարկում է ծնողների հետ իրականացվող աշխատանքները

Վրայքի տարածաշրջանային պետական քոլեջի տնօրեն



Գ. Գևորգյան